

Naalakkersuisut siulittaasuat

Landsstyreformanden



Inatsisartunut ilaasortaq Anthon Frederiksen
c/o Inatsisartut Allattoqarfiat
Maani

§ 36- mut Akissut, imm. 1, Apeqqut nr. 2008-112

Apeqqutit nassiunneqarsimasut akisinnaajumallugit Naalakkersuisunit Royal Greenland A/S apeqquteqaateqarfigineqartarsimavoq apeqqutit ilaasa akisinnaanissaannut atatillugu. Taamaalilluni Naalakkersuisunit taamaallaat apeqqutit tulluuttut suliarineqarput: 4-miit 9-mut kiisalu 13.

Royal Greenland-imiit akissuteqaatit ilinnut ilanngunneqassapput Naalakkersuisunut saqqummiunneqarsimaleripata.

4-mut

Royal Greenland ingerlatseqatigiiffiuvoq namminersortoq, tassani Namminersomerullutik Oqartussanit piginneqataassutit tamarmik pigineqarlutik. Taamaakkaluartori piginnittuunik pissutsit allanngortinngilaa, ingerlatseqatigiiffiup aningaasannartumik siunertaqarluni ingerlanneqarnera imatut anguniagaqarluni nalinginnaasumik niuernikkut periuseqarluni niuerfimmik imminut akilersinnaasumik ingerlatsinissaq.

Niuernermi piumasaqaatit akigitinniakkatut aalajangiunneqarsimasutut isumaqatigiissutigineqarsimasut Naalakkersuisut isumaqatiginngilaat.

Ingerlatseqatigiiffulli aktiateqarluni ingerlatseqatigiiffittut namminersortutut avissaartinneqarsimanerata aamma kinguneraa, ingerlatseqatigiiffik pisortat ingerlatsinerisa ilaginngimmassuk taamalu aamma toqqaannartumik ilitsersuisarnissamik piginnaatitaaffeqarani. Namminersomerullutik Oqartussat ingerlatseqatigiiffimmut sunniuteqartarnerat ingerlatseqatigiiffiup ataatsimeersuarneratigut pisarpoq kiisalu Namminersomerullutik Oqartussanit piginnittutut siulersuisuni ilaasortassatut toqqarneqarsimasut aqqutigalugit.

5, 6 aamma 7-imut.

Naalakkersuisut paasissutissaateqanngillat Danmarkip nunanik allanik aalisakkanik niuernermigut iluanaaruteqartarneranik, soorluttaaq Naalakkersuisunit ilisimaneqanngitsoq, Kalaallit Nunaanniit aalisakkat procentit qassit, Danmarkimi aalisarnikkut isertitarineqartarnesut.

2. december 2008
Sags nr.
2008-013980
Dok. nr. 118136
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Ilanngullugu Naalackersuisunit ilisimaneqanngilaq, aningaasat qassit Danmarkip aalisakkanik avammut niuerneratigut, Kalaallit Nunaata pisassaralui Danmarkimut apuuttarnersut.

8-mut

Naalackersuisut maannakkorpiaq pilersaaruteqanngillat Royal Greenland-ip ingerlatsineranik arlaannaannulluunniit attuumassuteqanngitsumik misissuisitsinissamik. Taamaattorli Naalackersuisut Royal Greenland-ip ineriartornera ingerlaavartumik malinnaaffigivaat.

9-mut

Aalajangiisartut arlallit pissutaaqataasarput, inuussutissarsiutip aalajangersimasup maanna tikillugumiit imminut akilersinnaajunnaarnerulertarneranut. Aalisarnermik inuussutissarsiummi imminut akilersinnaajunnaaraluttuinnerneq ilaatigut pissuteqartinneqarsinnaavoq nunarsuarmi niuerfinni akit nikerarnerinut, nalinginnaasumik akit ineriartornerinut aningaasartuutini ingerlatsinermut attuumassuteqartuni soorlu orsussami, qalorsuarni, aningaasarsiani allanilu.

Ilanngullugu aalisartut pimoorussinerugaluttuinnartarnerat aalajangiisuusumik pisooqataasarpoq, sooq aalisarnermi pisaqarsinnaassuseq aalajangersimasumik sinnersimaneqaleraangat aalisakkatigut pissuussutinut sanilliullugu.

Kiisalu angallatit ataasiakkaat aalajangersimaqqinnaartumik aalisarnermut atornerqarfigisaminnut naleqquttuunerisa kingunerisinnaavaa, aalisarnerit ilaasa annertunerusumik annikinnerusumilluunniit imminut akilersinnaasusarnerat. Naggasiullugu tassunga atatillugu aamma eqqarsaatigineqassaaq aalisariuteqamikkut aqqissuussaannerup allanngorsimasinnaanera aalisakkanut sunut pisarineqarsinnaasunut, kiisalu aalisagartassiissutinut aalisartunut atasiakkaanut tunniunneqartartunut sanilliullugu.

Imatut pisoqartillugu, aalisarnermik inuussutissarsiuteqartunut imminut akilersinnaajunnaartoqarnera aalisartut tamakku – inuussutissarsiortut allat assigalugit – piumasaqaatinut pissutsinullu nutaanut tamakkununga naleqqussartariaqassapput.

13-mut

Naatsorsueqqissaartarfiup Ukiumoortumik kisitsisitigut paasissutissani 2008- imi nalunaarusiaani allaqqavoq "Kalaallit Nunaata tunisassianik nunanut allanut niuernerani 87 % -ii aalisagaasut qalerualiullutillu. Inuussutissarsiormi ataasiinnarmik tunngaveqarnerup nunani tamalaani akit allanngoriartorneranni aningaasaqarnermut apeqqutaalluinnarpoq."¹

Aammattaaq kisitsisitigut paasissutissani takussutissiatut nalunaarsuiffimmi 11.4-

¹ Qupperneq 282 miit.

mi allaqqavoq Kalaallit Nunaanni aalisakkanik nioqqutissiornermi, qaleruallit
aamma aalisakkanik tunisassiorneq 2006- imi katillugit 2.041 mia. kruuniusut.²

Inussiarnersumik inuulluaqqusillunga
Med venlig hilsen

Naalakkersuisut siulittaasuat
Landsstyreformand

Hans Enoksen

² Qupperneq 291.